



REPUBLIKA E SHQIPËRISË
KOMISIONI QENDROR I ZGJEDHJEVE

Komisioni Rregullator

Data: 13.4.2023

Nr: 17

Ora: 15:00

VENDIM

PËR

MIRATIMIN E RREGULLAVE PROCEDURALE PËR PROCESIN E VOTIMIT DHE NUMËRIMIT ELEKTRONIK ME ANË TË PAJISJES ELEKTRONIKE TË VOTIMIT DHE NUMËRIMIT (PEVN) NË ZGJEDHJET PËR ORGANET E QEVERISJES VENDORE TË DATËS 14 MAJ 2023

Në mbështetje të nenit 20, pika 1, shkronja “e”, pika 2, shkronja “c”, neni 22, pika 1, të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar, me propozimin e Komisionerit Shtetëror të Zgjedhjeve, Komisioni Rregullator

VENDOSI:

1. Në zgjedhjet për organet e qeverisjes vendore të datës 14 maj 2023 të zbatohet projekti pilot për procesin e votimit dhe numërimit elektronik të votave me anë të pajisjeve elektronike të votimit dhe numërimit (PEVN), në të gjithë qendrat e votimit në bashkitë Elbasan, Kamëz dhe Vorë.
2. Në çdo qendër votimi, të ketë të paktën 2 (dy) pajisje elektronike të votimit dhe numërimit.
3. Komisioni i Qendrës së Votimit (KQV), për procedurat të cilat nuk janë të automatizuara, zbaton rregullat e përcaktuara në vendimin nr. 11, datë 25.3.2021, të Komisionit Rregullator, “Për mënyrën e ngritjes, organizimit dhe funksionimit të Komisionit të Qendrës së Votimit dhe zhvillimit të zgjedhjeve në qendrën e votimit”, të ndryshuar, ndërsa për procedurat e votimit dhe numërimit elektronik vepron në përputhje me aktet e Komisionerit Shtetëror të Zgjedhjeve dhe të Komisionit Rregullator.
4. KQZ-ja i dorëzon:
 - a) Komisionit Zonal të Administrimit të Zgjedhjeve (KZAZ-së), materialet zgjedhore që përdoren për procedurat të cilat nuk janë të automatizuara, sipas rregullave të përcaktuara në vendimin nr. 5 datë 20.11.2020 të Komisionit Rregullator “Për

Data: 13.4.2023 Nr: 17
Ora: 15:00



“Për miratimin e rregullave procedurale për procesin e votimit dhe numërimit elektronik me anë të pajisjes elektronike të votimit dhe numërimit (PEVN) në zgjedhjet për organet e qeverisjes vendore të datës 14 maj 2023”.

miratimin e rregullores për organizimin dhe funksionimin e Komisionit të Zonës së Administrimit Zgjedhor”, i ndryshuar.

- b) KQV-së, PEVN-të me kutitë shoqëruese që mundësojnë votimin elektronik, si dhe procesverbalet dhe dokumentacionin e punës të përshtatur për këtë proces.
- Vënia në funksion e PEVN-ve, kryhet në qendrën e votimit, përpara hapjes së votimit, në prani të anëtarëve të KQV-së dhe të vëzhguesve të subjekteve, nga operatori teknik i PEVN-së, i caktuar nga KQZ.
 - Operatori teknik i ngarkuar për përdorimin e PEVN, nëpërmjet kartave smart dhe kodeve përkatës bën hapjen e PEVN-ve duke printuar dhe dorëzuar KQV-së raportet e hapjes së votimit të cilët tregojnë orën e hapjes, numrin e QV-së dhe të pajisjes si dhe 0 (zero) pjesëmarrës në votim. Këto raporte printohen në 8 kopje, firmosen nga anëtarët e KQV-së dhe vulosen. Nga një kopje i dorëzohet sekretarit për ti ruajtur si material zgjedhor, nga një kopje merr operatori teknik, kopjet e tjera u dorëzohen anëtarëve të KQV-së.
 - Në rastet kur votimi elektronik për arsye teknike që lidhen me PEVN, nuk mund të fillojë, apo pasi ka filluar është ndërprerë dhe nuk mund të vijojë, Komisioneri Shtetëror i Zgjedhjeve vendos mbi vijimin e procedurës së votimit me fletë votimi.
 - Një nga anëtarët e KQV-së i ngarkuar me këtë detyrë nga komisioni kryen procesin e aktivizimit për votim të dy PEVN-ve në çdo QV nëpërmjet butonit të tipit pulsant, nga një për secilën pajisje. Anëtari i KQV-së i ngarkuar me këtë detyrë nëpërmjet butonave të tipit pulsant aktivizon në mënyrë manuale PEVN-të për votim në kohën kur votuesi, pasi ka kryer me sukses procesin e identifikimit në PEI, shkon tek PEVN për të votuar.
 - Zgjedhësi, që për arsye fizike nuk është në gjendje të kryejë vetë procedurat e votimit elektronik, mund të kërkojë ndihmën e një familjari ose zgjedhësi tjetër, që është në listën e zgjedhësve të asaj zone të qendrës së votimit. Të dy zgjedhësit duhet të jenë të pranishëm në qendrën e votimit kur përdoret kjo procedurë. Një person mund të ndihmojë vetëm një zgjedhës që nuk mund të votojë vetë.
 - Në përfundim të procesit të votimit, pasi KQV ka marrë vendimin për mbylljen e votimit, i kërkohet operatorit teknik të kryejë mbylljen e procesit të votimit në pajisjet PEVN si dhe printimin e raporteve të mbylljes. Raportet e mbylljes së votimit përmbajnë të dhëna për QV-në, numrin e zgjedhësve që kanë votuar. Raportet printohen në 8 kopje, firmosen nga anëtarët e KQV-së, vulosen dhe u dorëzohen sekretarit dhe anëtarëve të KQV si dhe operatorit teknik. Pas përfundimit të këtij procesi, printohen edhe procesverbalet e rezultateve për çdo PEVN të cilat bien brenda në kutitë shoqëruese të pajisjeve. Procesverbalet e rezultateve për çdo PEVN printohen në 8 (tetë) kopje, firmosen nga anëtarët e KQV-së, vulosen dhe u dorëzohen nga një kopje sekretarit dhe anëtarëve të KQV-së dhe operatorit teknik. Sipas kërkesave të paraqitura nga përfaqësuesit e subjekteve zgjedhore apo vëzhguesit pranë KQV-së, operatori teknik mund të printojë procesverbalet e rezultateve të votimit për çdo PEVN. Këto raporte duhet të firmosen nga anëtarët e KQV-së dhe të vulosen.
 - Vetëm pasi është mbyllur procesi në PEVN dhe janë printuar procesverbalet e rezultateve sipas pikës 10 të këtij vendimi, operatori teknik i ngarkuar nga KQZ-ja për përdorimin e PEVN-së vendos në një nga portat USB (ang.) të PEVN-ve modemën USB me kartë SIM, i cili

Data: 13.4.2023 Nr: 17
Ora: 15:00



“Për miratimin e rregullave procedurale për procesin e votimit dhe numërimit elektronik me anë të pajisjes elektronike të votimit dhe numërimit (PEVN) në zgjedhjet për organet e qeverisjes vendore të datës 14 maj 2023”.

mundëson transmetimin e rezultatit paraprak të PEVN në SEMVR. Ky modem konfigurohet vetëm nga stafi përgjegjës i KQZ.

12. Të dhënat që do të transmetohen nëpërmjet modemit USB, janë:
 - a. Kodi unik i identifikimit të PEVN-së.
 - b. Numri total i votave elektronike.
 - c. Numri i votave elektronike të vlefshme.
 - d. Numri i votave elektronike në të cilat nuk është votuar për asnjë nga kandidatët/subjektet zgjedhore në fletën e votimit.
 - e. Numri i votave elektronike për çdo kandidat/subjekt zgjedhor.
13. Të dhënat transmetohen në një format të sigurt dhe të pandryshueshëm nëpërmjet certifikatave dhe çelësave të enkriptuar nga PEVN drejt SEMVR. Informacioni që do të transmetohet nga PEVN drejt SEMVR aksesohet vetëm nga stafi përgjegjës i KQZ-së.
14. Në rastet kur transmetimi për arsye teknike që lidhen me PEVN ose me modemën nuk ndodh, procesi i nxjerrjes së rezultateve paraprake do të kryhet manualisht sipas procedurave teknike dhe operacionale të përcaktuara me akt të Komisionerit Shtetëror të Zgjedhjeve.
15. Rezultati paraprak nxirret dhe publikohet nga KQZ pasi është dërguar në SEMVR rezultati i votimit për çdo qendër votimi ku zbatohet projekti pilot.
16. Procesi i nxjerrjes së rezultateve përfundimtare për çdo QV realizohet nga KZAZ-ja në ambientin e VNV-së.
17. Pas mbylljes së votimit, KQV-të dorëzojnë në KZAZ pajisjet PEVN, së bashku me materiale të tjera zgjedhore.
18. Pas dorëzimit nga të gjitha KQV-të pranë KZAZ-së të pajisjeve dhe materialeve përkatëse, KZAZ-ja në prani të vëzhguesve, kryen procesin e numërimit të votave në Sistemin Elektronik të Menaxhimit të Votimit dhe Rezultateve (SEMVR), sipas procedurave teknike dhe operacionale të përcaktuara me akt të Komisionerit Shtetëror të Zgjedhjeve.
19. SEMVR do të kryejë përlogaritjen e rezultatit dhe do të shfaqë në monitor e do të printojë në letër tabelat e rezultateve për çdo QV si dhe Tabelën Përmbledhëse të Rezultateve, sipas modeleve të miratuara nga Komisioneri Shtetëror i Zgjedhjeve.
20. Tabelat e rezultateve, si për QV dhe në nivel ZAZ, firmosen nga anëtarët e KZAZ-së. Tabela Përmbledhëse e Rezultateve miratohet me vendim nga KZAZ-ja.
21. Në rastin kur procedura e votimit është zhvilluar në një rën pjesë të ditës elektronikisht dhe në një pjesë tjetër të ditës manualisht, KZAZ aktivizon GNV-të të ndjekin procedurat standarde për hapjen e kutive të votimit, numërimin, vlerësimin dhe nxjerrjen e rezultateve sipas udhëzimeve të KQZ- së vetëm pasi sistemi ka gjeneruar raportin me rezultatet e votimit për pjesën elektronike.
22. Komisioneri Shtetëror i Zgjedhjeve kujdeset për informimin e zgjedhësve dhe të administratës zgjedhore në lidhje me përdorimin e PEVN-së.
23. Ky vendim hyn në fuqi menjëherë dhe publikohet në faqen elektronike zyrtare të Komisionit Qendror të Zgjedhjeve.

24. Ngarkohen Komisioneri Shtetëror i Zgjedhjeve dhe administrata e Komisionit Qendror të Zgjedhjeve për zbatimin e këtij vendimi.
25. Kundër këtij vendimi mund të bëhet ankim në Kolegjin Zgjedhor Gjyqësor pranë Gjykatës Administrative të Apelit Tiranë, brenda 5 (pesë) ditëve nga shpallja e tij.

Ilirjana NANO- **Kryetare**

Arens ÇELA- **Anëtar**

Dritan ÇAKA- **Anëtar**

Helga VUKAJ- **Anëtare**

Muharrem ÇAKAJ - **Anëtar**

